

# 電報

上海唐總理上大總統電 陽歷四月十二日即壬子二月二十五日

蒸電敬悉近因謠傳太多已決定不帶南軍北來請釋塵系儀真四印

福州孫都督上大總統電 陽歷三月二十三日即壬子二月初五日

電令敬悉閩省參議員除前已選派三人外茲查照參議院臨時約法員數續派鄭祖蔭林翰前往以符定額謹復閩都督孫道仁叩梗印

甘肅諮議局來電 陽歷三月二十五日即壬子二月初七日

甘肅公舉秦望瀾吳鈞宋振聲爲參議院議員甘議局叩籙

杭州臨時議會來電 陽歷四月初三日即壬子二月十六日

禡電悉中央參議員已查照中央臨時約法浙江省約法由本會開會選舉當選者陳時夏殷汝驥周珏王家楸莫永貞五人候補當選十人莫永貞辭以候補當選人王文欽列補除知照各該員迅速赴院外合先電聞浙江臨時議會冬

吉林陳都督上大總統電 陽歷四月初三日即壬子二月十六日

鑿卅兩電敬悉前奉巧電由各省現有議事機關商准長官按照普通選舉簡易辦法組織臨時省議會等因當經本省諮議局妥商選舉方法將該局所有議員三十名改作省議會議員并將成立上級自治十一屬城自治二十屬各選送議員一名其自治尙未成立者十七屬由農商各會推選一人共添選四十八名既合公選主旨又屬簡易辦法當即批飭照辦至參議員前奉電令恐逾期限當飭諮議局開會選舉楊策金鼎勳何裕康李芳王樹聲五員當選業

陽歷四月十三日即壬子二月二十六日

將履歷備文呈送聽候召集敬先電聞昭常謹肅冬印

吉林陳都督上大總統電 陽歷四月初五日即壬子二月十八日

前奉豔甘兩電當於冬電詳復頃奉江電所有吉省參議員當遵照來電起程其辦理情形已詳冬電謹先電復昭常歌

安慶臨時議會來電 陽歷四月初五日即壬子二月十八日

皖省參議院議員查照本省約法規定由臨時議會於四月一號開會選舉當由都督特派民政司長蒞會監視遵照中華民國約法選舉五人當選者吳文瀚汪國傑胡璧憩俞道喧李時蕊遵限赴院先此奉聞皖臨時議會印

盛京趙都督上大總統電 陽歷四月初五日即壬子二月十八日

中央參議員照中央約法經諮議局集合各屬法定團體開會選舉當選者吳景濂袁金鎧劉興甲曾有嚴孫孝宗五人候補當選者五人袁金鎧辭以候補當選者李秉恕列補合先電聞巽呈歌

迪化袁都督上大總統電 陽歷四月初五日即壬子二月十八日

屢奉電飭組織臨時省議會定簡易選舉方法選舉參議員每省各五人查新省僻遠土著無多蒙回又不通漢文言語從前諮議局多以候補人員充數敷衍塞責未能合格茲當共和伊始電諭諄諄自當設法組織已飭司道府縣會同紳商漢回妥籌辦法省議會已經成立共選參議員劉煊段永悌安允升張得善田種德五員內新疆籍三員涼州籍二員合併聲明袁大化謹肅江

蘭州趙都督上大總統電 陽歷四月初九日即壬子二月二十二日

甘肅參議員前經選定秦望瀾宋振聲吳鈞績又選定田駿豐王鑫潤共五人已陸續電達各  
主管衙門矣特此覆聞惟熙謹肅魚

成都尹都督張副都督上大總統電 陽歷四月初九日即壬子二月二十二日

頃奉蒸電欣悉大總統於新歷三月初十日在北京舉行受職禮民國統一百度維新凡我五  
族無任歡忭特電奉賀川都督尹昌衡張培爵叩歌印

黑龍江臨時省議會來電 陽歷四月初十日即壬子二月二十三日

本省參議員已舉定高家驥薛珠王赤卿關文鐸戰殿臣等五人已定於陽歷四月十二號啟  
程謹聞黑龍江臨時省議會謹叩

上海熊財政總長上大總統電 陽歷四月十一日即壬子二月二十四日

陽電謹悉鈞諭勸勉自應遵照即於昨日在滬就職定期北上謹此陳復希鈞蒸印



批呈

署山西民政長周渤呈請將太原府司獄等缺分別裁併等文

爲呈明事藩司吏治科案呈查陽曲縣知縣一缺前已查照定章呈請於四月初一日裁撤在案其所屬之縣丞典史既已一無附麗自未便聽其獨留況查晉省管理監獄之官有三一按司獄一府司獄一縣典史自各級審判廳成立之後其羈禁人犯之所如省城模範監獄皆已建修完竣早經開辦除按司獄業經被裁外至府司獄暨該縣典史所管之監獄已同駢枝贅瘤早在天演淘汰之例應即將太原府司獄陽曲縣典史以及縣丞主簿亦請於四月初一日一律全裁庶公帑無徒滋虛糜之虞冗濫官吏亦可以次汰除所有縣丞主簿該管之事本屬無多應即歸併太原府經歷兼管以專責成再太原府司獄和霖陽曲縣縣丞丁丕圩主簿宋之鑑典史蔡壽禮均係實缺人員照例歸入裁缺即用俟奉准後新官制頒發到日章程如無更動再行以次補用俾免向隅除咨內閣叙官局外理合呈請

大總統查核施行謹呈

中華民國元年四月初二日即壬子年二月十五日

批據呈已悉即照所擬辦理並交該衙門備案此批

中華民國元年四月初十日即壬子年二月二十三日



## 附錄

### 京奉局稟局長文

敬稟者案據車務處稟稱現接南滿鐵路來函以俄國西比里亞鐵路刻將行車時刻更改本路大連長春間快車亦定陽歷五月初一日一律更換所有北行快車改於午後十點二十五分自奉天開南行快車改於午後十一點鐘到奉天等因自應將本路通車時刻酌量改訂以便接洽茲擬自五月一號起本路下行通車擬星期二下午九點四十五分由北京開十二點五十分到津星期三晨一點由天津開下午八點三十分到奉天上行通車擬星期六晨一點由奉天開下午六點半到天津至下午九點四十五分到北京其餘北京天津間往來之快車小快車開到時刻均無甚更改惟自山海關至津津至北京兩次客貨車近來搭客日見增多不得不設法疏通擬請併爲一次作爲慢客車沿站停留其開行時刻計上行車於每日上午六點三十分由山海關開行下午五點三十分到北京下行車上午六點由北京開行午後五點到山海關此車既在快車以前開行則快車人數自可少減不致如目下之擁擠至更訂行車時刻頗費時日卽刷印一事亦須三星期始能完竣所有五月一號頒發新時刻表萬趕不及現先將通車時刻表趕先改定俾五月一號可以照表開行其餘更改各次車開行時刻擬於六月一號施行等情前來查本路上下行通車原視西比里亞鐵路行車時刻爲標準現該路行車時刻既已更改本路通車時刻自應照南滿時刻另行更定以期接洽該處所擬上下

陽曆四月十三日即壬子二月二十六日

行鐘點於搭客尙無窒碍至請將津榆津京兩次客貨車改爲慢客車併爲一次開行係爲便利旅行起見於行車進款不無裨益是否有當理合一併稟請局長憲查核示遵如蒙允准並懇電示以便排定時刻登報通知肅稟虔叩鈞安




公啟

參議院暫設事務所公啟

現奉 大總統諭南京參議院已議定遷至北京參議員定於本月二十一日以前齊集應暫設事務所豫備料理接待一切事宜等因現已擇定宣武門內象坊橋法律學堂（即前資政院）為參議院暫設事務所各省參議員到京者請自本月十一日起每日上午十點鐘至下午三點鐘蒞所接洽凡應投參議院文件電報亦望逕投本所為要

中華民國元年四月初十日



+